



**Politička organizacija građana "Naša stranka"**  
Branilaca Sarajeva 5/1, 71 000 Sarajevo  
Telefon: 033 408 888; Fax: 033 408 881  
E-mail: [nasastranka@nasastranka.ba](mailto:nasastranka@nasastranka.ba)  
Web: [www.nasastranka.ba](http://www.nasastranka.ba)

**Amir Purić**

Zastupnik u Zastupničkom domu  
Parlamenta Federacije Bosne i Hercegovine  
*Sarajevo, 17.04.2023.*

**Dostaviti:**

BOSNA I HERCEGOVINA  
FEDERACIJA BOSNE I HERCEGOVINE  
Parlament Federacije Bosne i Hercegovine  
Predstavnički dom  
n/r Predsjedavajuća, Mirjana Marinković-Lepić

**Uputiti:**

Vlada FBiH

## **PREDMET: ZASTUPNIČKA INICIJATIVA**

Na osnovu Člana 11. Poslovnika Zastupničkog doma Parlamenta Federacije Bosne i Hercegovine ("Službene novine Federacije Bosne i Hercegovine", broj 69/07, 2/08 i 26/20), Vladi FBiH upućujem sljedeću zastupničku inicijativu:

- **Tražim da Vlada FBiH, u skladu sa zakonskim propisima, u najkraćem roku osigura sredstva za rehabilitaciju objekta Stari grad u Velikoj Kladaši i donese odluku kojom će poboljšati upravljanje ovim turističkim i kulturno-historijskim kompleksom.**

### **OBRAZLOŽENJE:**

Krov na kuli Starog grada u Velikoj Kladaši u potpunosti je uništen 14.4.2023. godine uslijed požara koji je prouzrokovan udarom groma, te je nastala veća materijalna šteta na samoj kuli. Ovaj objekat se nalazi na Privremenoj listi Komisije za očuvanje nacionalnih spomenika BiH pod rednim brojem 756. Kao takav, u skladu sa članom 3. Odluke o privremenoj listi, isti se smatra nacionalnim spomenikom i uživa zaštitu propisanu Zakonom o provedbi odluka Komisije za zaštitu nacionalnih spomenika, uspostavljene prema Aneksu 8 Općeg okvirnog sporazuma za mir u Bosni i Hercegovini ("Službene novine Federacije BiH", br. 2/02 i 10/02). Prema odredbama člana 9. ovog zakona, Federacija je dužna osigurati pravne, znanstvene, tehničke, administrativne i finansijske mjere za zaštitu, konzervaciju, prezentaciju i rehabilitaciju nacionalnih spomenika putem Federalnog ministarstva prostornog uređenja.

Podsjećam i da je ovaj objekat dio strateške poslovne jedinice Hotelsko-ugostiteljski i turistički kompleks (HUTK) Stari grad Velika Kladaša, a u sastavu privrednog društva Agrokomerc d.d. Velika Kladaša, koji je u većinskom vlasništvu upravo Vlade FBiH. S obzirom da Vlada Federacije BiH, prema navodima direktora Agrokomerc d.d., nije do sada vršila ulaganja u sanaciju, konzervaciju ili rekonstrukciju Starog grada Velika Kladaša kao objekta od općeg kulturnog i historijskog značaja, time je njena obaveza da u ovom slučaju hitno interveniše

veća, jer se sama nesreća možda i mogla izbjeći da je bilo ranijih intervencija na zaštiti ovog objekta.

Imajući u vidu sve prethodno navedeno, molim Vas da se u najkraćem roku osiguraju sredstva i pristupi izradi projekta rehabilitacije objekta Stari grad Velika Kladuša, u skladu sa Zakonom o provedbi odluka Komisije za zaštitu nacionalnih spomenika, ne ograničavajući se na dio kule koji je uništen u požaru nego i ostatka krovne konstrukcije glavnog objekta koja je znatno oštećena i već godinama izložena zubu vremena.

Također vas ovom prilikom molim da imate u vidu činjenicu da Agrokomerc d.d., kao kompanija opterećena brojim problemima, dugovima i sudskim presudama, nije u mogućnosti da koristi kompleks Starog grada pažnjom dobrog privrednika, što trenutna praksa nedvosmisleno potvrđuje. Turistički potencijali ovog kompleksa nisu iskorišteni te bi, po okončanju rehabilitacije, bilo neophodno promijeniti praksu dosadašnjeg upravljanja Starim gradom Velika Kladuša. Vjerujem da bi potencijal ove kulturno-historijske znamenitosti bio bolje iskorišten ukoliko se upravljanje njime povjeri nižim nivoima vlasti ili drugim pravnim licima.

S poštovanjem,



Amir Purić